



山海經釋義卷之一

晉河東郭璞景純父著傳

明王崇慶德徵父釋義

董漢儒學舒父校訂

南山經第一

南山經之首曰雒山其首曰招搖之山臨于西海

之上在蜀伏山山南之多桂桂葉似枇杷長二尺餘廣數寸味辛白花

叢生山峯冬夏常青間無雜木呂氏春秋曰招搖之桂多金玉有草焉其狀

如韭

璨曰韭音九爾雅云霍山亦多之

而青花其名曰祝餘

或作桂茶

食之不饑有木焉其狀如穀而黑理

穀楮也皮作紙璨曰穀亦

名構名穀者以其實如穀也

其花四照

言有光燄也若木華亦其光照地亦此類也見

離騷

其名曰迷穀佩之不迷有獸焉其狀如禺

音

似獼猴而大赤目長尾今江南山中多有說者不

也而白耳伏行人走其名曰徃徃

徃徃禺獸狀如猿伏行交足亦

此類也見京房易

食之善走麗磨

音

之水出焉而西流注

于海其中多育沛

未詳

佩之無瘕疾

瘕蟲病也

此一節蓋紀山之始夫地有東西南北故山有

東西南北所謂南山經者言紀南方山之經也

或曰禹治水所經故曰經然既曰離山而又曰

其首曰招搖之山是一山而二名或兩山相並

也曰多桂桂南方之木也曰多金山玉山藏多寶

理固有之然未必盡出昔人謂夜識金銀氣言

其藏也且人之智愚性也氣質可化學也而曰

迷穀佩之不迷則凡地之近彼者皆化為聰問

矣乎理之所必無也

又東三百里曰堂

一作常

庭之山多棧木

音剡別名連其子似

奈而赤
多白猿
捷色有黑有黃鳴其聲哀
多水

可食
玉
水玉今水精也相如上林賦曰水玉磊砢赤松子所服元列仙傳
多黃金

堂庭山多白猿蓋禽獸得五行之氣則其色有

青黃赤白黑固也然亦有雜色者氣相參也雖

然吾中國之民甚貧今方仰給于上以待哺不

知彼所謂多黃金可采而備賑否與

又東三百八十里曰獲翼之山其中多怪獸水多

怪魚凡言怪者皆謂貌狀偃奇不常也尸子曰徐偃王好怪沒深水而得怪魚入深山而得怪

獸者多多白玉多腹虫
古虺字腹虫色如綬文鼻上有針大者百餘斤一名

反鼻虫是也多怪蛇多怪木不可以上

山既不可以上則凡怪蛇怪木與所謂怪魚又

何從而見之不可見則何由而知之凡此皆其

自相矛盾而不可信者也

又東三百七十里曰柎音陽之山其陽山南多赤

金銅其陰山北多白金銀有獸焉其狀如馬而白

首其文如虎而赤尾其音如謠如人歌聲其名曰鹿蜀

佩之宜子孫佩謂帶其皮尾怪水出焉而東流注于憲翼

之水其中多玄龜其狀如龜而鳥首虺尾虺尾其

名曰旋龜其音如判木

如破木聲

佩之不聾可以為底

底躡也為猶治也外傳曰疾不可為一作底猶病愈也

信斯言也則柎陽之民其富極矣不然環山而積皆黃白金也苟可以見亦可以致何柎陽不入貢王庭且夏書九州之貢亦未有書柎陽金者雖然蔽富於百姓不若蔽富於山川天子富有四海是書其徵與

又東三百里柎

音

山多水無草木有魚焉其狀如

牛陵居蛇尾有翼其羽在鮭

亦作鮭

下其音如留牛

莊子曰執犁之狗謂此牛也穆天子傳曰天子之狗執虎豹

其名曰鮭音六冬死

此亦螿類也謂之所者而夏生食之無腫疾言其螿無所知如死耳

山自山水自水羽毛鱗介各有攸居其性爾也

夫既曰魚又曰陵居無乃非類也乎或曰獺水

陸通者也斯魚陵居又奚疑也

又東四百里曰亶

音蟬

爰之山多水無草木不可以

上言崇峭也

有獸焉其狀如狸而有髦其名曰類

髦或作髮

類或作沛自為牝牡食者不妬

莊子亦曰類自為雌雄而化今獬豸亦自為雌雄

山之有草木如人之必有毛髮此曰多水無草

木陰乘陽也。諺所謂童山與，又以為食類者，不
如安得徧令如婦與忌臣食之。

又東三百里曰基山，其陽多玉，其陰多怪木，有獸
焉，其狀如羊，九尾四耳，其目在背，其名曰狇施。音博

施，佩之不畏。不知有鳥焉，其狀如雞而三首六目。

六足三翼，其名曰鷮鷮。音敞，字鷮，其性急。食之無臥。使人少眠。

狇施曰：佩之不畏，鷮鷮曰：食之無臥。物性作用
之妙，或亦有然者矣。吾聞神農嘗百草，蓋後世
醫道之始，然則是書每書食某物當已某疾，是

固未可盡疑其妄也。

又東三百里曰青丘之山。亦有青丘國，在海外，水經云：即上林賦云：秋田

於青丘。其陽多玉，其陰多青雘。音瓠，黠屬。有獸焉，其狀如

狐而九尾。即九尾狐。其音如嬰兒，能食人，食者不蠱。其噉

肉令人不逢妖邪。有鳥焉，其狀如鳩，其音若呵。如

之氣，或曰蠱，蠱毒。呼聲，名曰灌灌。或作澗澗。佩之不或，英水出焉，南流注

于卽翼之澤，其中多赤鱮。音儒。其狀如魚而人面，其

音如鴛鴦，食之不疥。一作疾。

獸相食，且人惡之。况九尾類狐者，能食人乎？然

曰食者不蠱則又言人之食獸也夫人與獸相食是大亂之道也按經究實防微杜漸為世道計者何可忽與

又東三百五十里曰箕尾之山其尾踐于東海古

字音存言多沙石沔水出焉音而南流注于涓音

其中多白玉凡雒山之首自招搖之山以至箕尾

之山凡十山二千九百五十里其神狀皆鳥身而

龍首其祠之禮毛言擇牲取其毛色也周用一璋

玉瘞半珪為璋瘞埋也糝用稌米糝祀神之米名先呂反今江東音所一音瘞稌

稌稻也他覩反一壁稻米白菅為席菅茅屬音間

凡山川之靈氣能興雲雨濟萬物皆神也故仲

尼曰氣者神之盛也審若是然後知有形者非

神也夫古有望于山川之祭謂其有功於民物

也然則此所謂鳥身而龍首疑亦獸之怪與記

者未明物理遂以為神過哉

南次二經之首曰柜山音西臨流黃北望諸毗東

望長右皆山名英水出焉西南流注于赤水其中多

曰玉尸子曰水方折者有玉負折者有珠多丹粟細丹砂如粟也有獸焉其

狀如豚有距其音如狗吠其名曰狸力見則其縣多土功有鳥焉其狀如鴟而人手其脚如人手其

音如痺未詳其名曰鴝音株其鳴自號也見則其縣多

放士放放還或作效也

山川之產珠玉丹砂皆靈秀之氣所鍾然謂狸刀見則縣多土功鴝鳥見則縣多放士吾恐其未足憑也

東南四百五十里曰長右之山無草木多水有獸焉其狀如禺而四耳其名長右以山出此獸因以名之其音

如吟如人呻吟聲見則郡縣大水

鳥獸生於山者也顧以一獸而擅一山之名無謂甚矣其謂見則郡縣大水豈獸之商羊者與然曰見則亦有時而不見矣

又東三百四十里曰堯光之山其陽多玉其陰多

金有獸焉其狀如人而彘鬣穴居而冬蟄其名曰

猾褊音滑懷其音如斲木如人斫木聲見則縣有大繇謂作

役也或曰其縣亂

果以異獸為山之神則此所謂狀如人而彘鬣

者獨奈何不以爲神乎

又東二百五十里曰羽山

今東海祝其縣西南有羽山即縣所殛處計此

道里不相應似非也

其下多水其上多雨無草木多腹虫

也

又東三百七十里曰瞿父之山

瞿音劬

無草木多金

玉又東四百里曰句餘之山無草木多金玉

今在會稽

餘姚縣南句章縣北故此二縣因此爲名云見張氏地理志

帝舜殛鯀於羽山不知果此山否其曰下多水

上多雨盖山澤通氣上之雨即下之水也所謂

雲騰而致雨者也

又東五百里曰浮玉之山北望具區

具區今吳縣西南太湖也

尚書謂之震澤

東望諸毗

水名

有獸焉其狀如虎而牛尾其

音如吠犬其名曰彘是食人茗水出于其陰北流

注于具區其中多鯀魚

鯀魚狹薄而長頭大者尺餘太湖中今饒之一名刀

魚音祚啓反

具區按郭氏今吳縣西南太湖尚書謂之震澤

審若斯則中國之山川而金玉不以貢且郡縣

亦未有請爲備賑者吾固弗能無惑爾也

又東五百里曰成山四方而三壇

形如人築壇相累也成亦重耳

其上多金玉其下多青藨闕音豕水出焉而南流注

于一作流虜勺音呼勺或其中多黃金今永昌郡

注于西糠在沙中尸子曰作多下同清水出黃金玉英

又東五百里曰會稽之山四方今在會稽郡山陰

井其上多金玉其下多硃石硃武夫石似玉今長

沙臨湘出之赤地白文色龍葱不分勺水出焉而南流注于澳音

會稽禹會諸侯之地盖浙之最佳勝者天台亦

東南之秀此何以遺

又東五百里曰夷山無草木多沙石澳一作水出

焉而東流注于列塗

又東五百里曰僕勾一作之山其上多金玉其下

多草木無鳥獸無水

又東五百里曰咸陰之山無草木無水

凡氣所至物必生焉而曰山無草木豈山之怪

哉夫山無草木然後無鳥獸固宜然則何以無

水曰山澤通氣山未有無水者嘗遊三晉山中

鑿井動以百丈計是可以見其難矣

又東四百里曰洵一作山其陽多金其陰多玉有

獸焉其狀如羊而無口不可殺也稟氣自然其名曰羝

音還或洵音詢水出焉而南流注于闕音遏之溪其中

多芘羸紫色螺也

自人而至于物未有無口者夫無口則何由以

食故必繼之曰不可殺為其不成物也

又東四百里曰虢勺之山其上多梓栲梓山楸也栲大木葉

似桑今作楠音南爾雅以為栲其下多荆杞杞苟杞也子赤滂水出焉滂

之而東流注于海

山上梓栲山下荆杞物生得序矣此造化自然

之妙也則夫君子小人獨可以或混哉自離山

至此水流而東注于海惟滂耳其亦水之得所

歸與

又東五百里曰區吳之山無草木多砂石鹿水出

焉而南流注于滂水

區吳殆山之惡與曰無草木其氣散矣曰多砂

石其氣駁矣夫然後知氣之純駁惟其遇而已

矣

又東五百里曰鹿吳之山上無草木多金石澤更

之水出焉而南流注于滂水水有獸焉名曰蠱雕

蠱或作纂其狀如雕而有角其音如嬰兒之音是食人

凡物之食人者皆惡物也此曰狀如雕當又一

獸矣第未詳雕何狀耳

又東五百里曰漆吳之山無草木多博石博可以為

無玉虎于海東望丘山其光載出載入神光之是

惟日次是日景之所次舍凡南次二經之首自柜山至于

漆吳之山凡十七山七千二百里其神狀皆龍身

而鳥首其祠毛用一璧瘞瘞稻穢也精用稌

凡異物小人以為神君子以為怪予於箕尾山

已畧及之矣又何辯哉惜乎愚俗惑於淫祀而

莫救也

南次三經之首曰天虞之山其下多水不可以上

今潤州如金山焦山大江出其下往往舟過而

登臨其顛此曰天虞之山多水不可以上豈山

之峻峭壁立與或水之湍急不可舟與

又東五百里曰禱過之山其上多金玉其下多犀

兕犀似水牛猪頭痺脚脚似象有三蹄大腹黑色

三角一在頂上一在額上一在鼻上在鼻上者

小而不墮食角也。好噉棘，口中常灑血。兕亦似水牛，青色，一角重三千斤。多象象獸之最大者

長鼻大者牙長一丈，性妬不畜。淫子有鳥焉，其狀如鳩鳩似鳧而小脚近尾音散

箭之而白首三足或作手人面其名曰瞿如音劬其鳴

自號也。浪音銀水出焉而南流注于海，其中有虎蛟

蛟似蛇四足龍屬其狀魚身而蛇尾，其音如鴛鴦，食者不

腫，可以已痔。

瞿如異鳥，虎蛟疑亦惡蛟，此曰食之不腫，可以

已痔，是虎蛟亦可致矣。

又東五百里曰丹穴之山，其上多金玉，丹水出焉

而南流注于渤海渤海海岸曲崎頭也有鳥焉，其狀如雞，五

采而文，名曰鳳皇。首文曰德，翼文曰義，背文曰禮

膺文曰仁，腹文曰信，是鳥也。飲食自然，自歌自舞

見則天下安寧。漢時鳳鳥數出，高五六尺，五采，莊周說鳳文字，與此有異，廣雅云鳳

雞頭，燕額，蛇頸，龜背，魚尾，雌曰皇，雄曰鳳

予自童稚已聞丹山起鳳之說，則此所謂丹穴

有鳳，非妄也。夫雞且具五德，則鳳備五常，固宜

然謂文而成字，亦可疑也。夫鳳鳥之靈者，有道

而出，無道而隱，智莫大焉。此乃缺之何哉？然則

首文曰德或智之德與

又東五百里曰發爽或作喪之山無草木多水多白

猿汎水出焉而南流注于渤海

又東四百里至于旄山之尾其南有谷曰育遺或作

遂多怪鳥廣雅曰鷓鴣鷓鴣朋爰居凱風自是出凱風

南風

凡風之鼓舞萬物皆天也隨時而異名非可以方所拘也莊生曰大塊噫氣為風知此道矣而曰凱風自是出言之無稽甚矣

又東四百里至于非山之首其上多金玉無水其

下多蝮虫

又東五百里曰陽夾之山無草木多水

又東五百里曰灌湘之山上多木無草多怪鳥無

獸一作灌湖射之山

草木一也此曰多木無草鳥獸一也此曰多怪

鳥無獸吾竊疑焉然即類以推亦可信也是故

獸依草無草故無獸鳥依木多木故多鳥堯夫

謂鳥羽如木葉獸毛如草

又東五百里曰雞山其上多金其下多丹

贖赤色者

或曰贖美丹也見尚書音尺蠖之蠖

黑水出焉而南流注于海其中

有鱒魚

音團扇之團

其狀如鮒而彘毛其音如豚見則

天下大旱

水旱昔人以爲天數物無與也此曰鱒魚見則

大旱吾恐其無是理也或以爲物能先氣而覺

則可矣

又東四百里曰令丘之山無草木多火其南有谷

焉曰中谷條風自是出

東北風爲條風記曰條風至出輕繫督逋留

有

鳥焉其狀如梟人面四目而有耳其名曰鵙

音娛其

鳴自號也見則天下大旱

山有火今擊石火出可見

又東三百七十里曰侖者之山

音論說之論一音倫

其上多

金玉其下多青藨有木焉其狀如穀而赤理其汗

如漆其味如飴食者不饑可以釋勞其名曰白蓉

音羔或作罽蘇一名白蓉見廣雅

可以血玉

血謂可用染玉作光彩

夫草有白羔足以濟饑足以染玉近山者凶年

無恐矣

又東五百八十里曰禺膏之山多怪獸多大蛇

又東五百八十里曰南禺之山其上多金玉其下

多水有穴焉水春輒入夏乃出冬則閉佐才出焉

而東南流注于海有鳳皇鷓鴣亦鳳屬

凡南次三經之首自天虞之山以至南禺之山凡

一十四山六千五百三十里其神皆龍身而人面

其祠皆一白狗祈祈請禱也糴用稌

是皆妄也義已說見漆吳

右南經之山志大小凡四十山萬六千三百里十里

一卷終

山海經釋義卷之二

晉 河東郭 埈景純父 著傳

王崇慶德微父 釋義

明 澶淵 董漢儒學舒父 校訂

西山經第二

西山經華山之首曰錢來之山其上多松其下多

洗石澡洗可以磔體去垢坵磔初兩反有獸焉其狀如羊而馬尾

名曰羝羊今大月氏國有大羊如驢而馬尾爾爾其

雅云羊一尺為羝謂此羊也羝音鉗

脂可以已腊治體皴 腊音昔

華山在西方蓋五岳之一經首及之宜

西四十五里曰松果之山濩水出焉北流注于渭

其中多銅有鳥焉其名曰鳴渠鳴音彤 弓之形其狀如山

雞黑身赤足可以已曝謂皮皴起也 音匹駁反

又西六十里曰太華之山即西岳華陰山也今削在弘農華陰縣西南

成而四方今山形上大下小峻峭也其高五千仞其廣十里八仞

尺上有明星玉女持玉人得上服之即成仙道險僻不通時含神霧云鳥獸莫居有

蛇焉名曰肥蠖六足四翼見則天下大旱湯時此蛇見于

陽山下復有肥遺蛇疑是同名

山之居禽獸尚矣然曰太華之山削成而四方

則其勢之峻峭宜氣類弗聚也

又西八十里曰小華之山即小華山其木多荆杞其獸

多狝牛音昨今華陰山中多山牛其陰多磬石可

石為樂其陽多璆瑋之玉音湑浮瑋瑋玉 名所未詳也鳥多赤鷩

音蔽或作鷩赤鷩山雞之屬胃腹洞赤冠金皆黃頭綠尾中有赤毛彩鮮明可以禦火

其草有萆荔音蔽戾草 荔香草也狀如烏韭而生於石上亦

緣木而生鳥韭在屋者曰垣衣食之已心痛

物理固有相制、如赤鷲禦火是也、又曰草荔食之已心痛、當與本草參考。

又西八十里曰符禺之山、其陽多銅、其陰多鐵、其上有木焉、名曰文莖、其實如棗、可以已聾、其草多條、其狀如葵而赤花黃實、如嬰兒舌食之、使人不惑、符禺之水出焉而北流、注于渭、其獸多葱、聾其狀如羊而赤鬣、其鳥多鴟。音其狀如翠而赤喙。翠似燕而紺色也。可以禦火。畜之辟火災也。

山有銅固也、是故銅山萌而鐘應、其類感也。

又西六十里曰石脆之山、其木多椶柟。音馬駮之

三丈許無枝條、葉大而圓、枝生梢、頭實皮相、裹上行一皮者為一節、可以為繩、一名柟櫨。其草

多條、其狀如韭而白華、黑實食之已疥、其陽多瑇

瑁之玉、其陰多銅、灌水出焉而北流、注于禺水、其

中有流赭。赭赤土。以塗牛馬無病。馬或作角、今人亦以朱塗牛角、云以

辟惡

流赭水中、赤土之流者、塗牛馬無病、是可醫物

也、條草食之已疥、是可醫人也、乃吾於是而得

醫道焉。

又西七十里曰英山其上多柎榿柎似棣而細葉一名土榿榿木

中車材音紐姜其陰多鐵其陽多赤金禹水出焉北流注

于招水音韶其中多鮮魚音蚌蛤其狀如鼈其音如

羊其陽多箭簞音媚今漢中郡出簞竹厚裏而長節根深筍冬生地中人掘取而食

之其獸多牝牛羴羊有鳥其狀如鶉黃身而赤喙

其名曰肥遺食之已癘癘疫病也或曰惡瘡瘡可以韓子曰癘人憐主

殺蟲

此所謂肥遺蓋鳥也似與華山之蛇同名又曰

英山之竹箭剛會稽之竹箭柔風土異也

又西五十二里曰竹山其上多喬木音橋枝上竦者其陰

多鐵有草焉其名曰黃蕓其狀如樗其葉如麻白

花而赤實其狀如赭紫色赤浴之已疥又可以已附

音符治附腫也竹水出焉北流注于渭其陽多竹箭箭篠也

多蒼玉丹水出焉今所在有丹水東南流注于洛水其中

多水玉多人魚如鱖魚四脚有獸焉其狀如豚而白毛

大如筭筭筭屬而黑端名曰毫彘彘猪也夾髀有麓毫長數尺能以脊

上毫射物亦自為牝牡犴或作猴吳楚呼為鸞猪亦此類也

竹山連望華山即其山水所注皆入渭洛則西

方山水大略亦可觀矣曰毫彘其鬣剛也曰人魚其形似也曰水玉貴水晶也皆名產也他日或遊竹山庶幾問之

又西百二十里曰浮山多盼水

音美目盼今之盼

枳葉而

無傷

枳刺針也能傷人故名云

木蟲居之

在樹中

有草焉名曰薰

音訓

草麻葉而方莖赤華而黑實臭如薜蘿

音眉無薜蘿香

韋易曰其臭如蘭

佩之可以已癘

今晉之平陽屬邑亦有浮山

又西七十里曰輪

音次之

山漆水出焉

今漆水北出支山

流注于渭其主多械樞

械音械白援也

其下多竹箭其陰

多赤銅其陽多嬰垣之玉

垣或作短或作根或作埋傳寫謬錯未可得詳

有獸焉其狀如禺而長臂善投其名曰鼯

亦在畏獸畫中

似獼猴投擲也

有鳥焉其狀如梟人面而一足曰橐

音肥

冬見夏蟄服之不畏雷

着其毛羽令人不畏天雷也或作灾

物之飛潛動植皆隨氣屈伸此謂橐

冬見夏蟄何意其純陰之氣冬則出夏則藏耳若蟄而非蟄也如鼠之晝伏夜出當不以辭害意可也

又西百五十里曰時山無草木逐

或作遂

水出焉北

流注于渭其中多水玉

又西百七十里曰南山上多丹粟丹水出焉北流

注于渭獸與猛豹

豹或作虎猛豹似熊而小毛淺有光澤能食蛇食銅鐵出自蜀

中是也

鳥多尸鳩

尸鳩布穀類也或曰鳩鷓鴣也鳩或作丘

又豹秦地所產天下莫及焉今世俗謂陝為豹

又西百八十里曰大時之山上多穀柞

柞下多柎

檀陰多銀陽多白玉涪

音潛

水出焉北流注于渭清

水出焉南流注于漢水

今河內脩武縣縣北黑山亦出清水

又西三百二十里曰嶓冢之山

今在武都道縣南漢水

出焉而東南流注于沔

至江夏安陸縣江即沔水

鬻水出焉北

流注于湯

或作陽

水其上多桃枝鈎端

鈎端桃枝屬

獸多

犀兕熊羆

羆似熊而黃白色猛慙能拔樹

鳥多白翰赤鷺

白翰白鷺也亦

名鷓雉又曰白雉

有草焉其葉如蕙

音惠蕙香草蘭屬也或以蕙為薰葉失之

其本如桔梗

本根也

黑華而不實名曰葍

音骨

蓉

曰榮而不實謂之葍

食之使人無子

又此叙嶓冢漢水所出與夏書同

又西三百五十里曰天帝之山上多櫻柎下多管

蕙

管茅類也

有獸焉其狀如狗名曰谿

或作谷

邊

或作遺

席

其皮者不蠱有鳥焉其狀如鶉黑文而赤翁翁頭下毛

音汲甕名曰櫟音沙礫食之已痔有草焉其狀如

葵其臭如薜蘿名曰杜衡香草也可以走馬帶之令人便馬

或曰馬得之而健走食之已瘿

杜衡馬得之而健人得之而止疾備人物之用

矣

櫟其狀如鶉固矣然鶉補五藏益中續氣取效

非一但不可和菌子食之令人發痔今云櫟食

之已痔是如鶉而實非也不知本草禽鳥五十

六種何不載有櫟之文乎

西南三百八十里曰臯塗之山薺音色或作薺水出

焉西流注于諸資之水塗水出焉南流注于集獲

之水其陽多丹粟其陰多銀黃金其上多桂木有

白石焉其名曰礬音豫可以毒鼠今礬石殺鼠有草

焉其狀如橐茛橐茛香草其葉如葵而赤背名曰無條

可以毒鼠有獸焉其狀如鹿而白尾馬足人手前

脚似人手而四角名曰櫻如音假櫻有鳥焉其狀如鷓

而人足名曰數斯食之已瘿或作瘰

言釋山海經 卷二
櫻如曰馬足又曰人手何按郭氏前兩脚似人手也夫怪禽可獸於世無補中國不當畜遠人不必貢

又西百八十里曰黄山

今始平槐里縣有黃山上故有宮漢惠帝所起疑非

此無草木多竹箭盼

音美目盼兮之盼

水出焉西流注于

赤水其中多玉有獸焉其狀如牛而蒼黑大目其

名曰犛

音敏

有鳥焉其狀如鴉青羽赤喙人舌能言

名曰鸚鵡

鸚鵡舌似小兒舌脚指前後各兩扶南徼外出五色者其亦有純赤白者大如

也鴈

鸚鵡當作鸚鵡夫鳥中能言莫如鸚鵡獸中能

言莫如猩猩人而無禮無義何以異此

又西二百里曰翠山其上多櫻柎其下多竹箭其

陽多黃金玉其陰多旄牛麀麀

麀似羊而大角細食好在山崖間麀

似獐而小有香

其鳥多鷓

音雷

其狀如鵲赤黑而兩首四足

可以禦火

又西二百五十里曰隗

音魏一音隗器之隗

山是錞于西海

錞猶琕瑋也章閏反

無草木多玉淒

或作淒

水出焉西流注于

海其中多采石黃金

采石石有采色者今雌黃空青綠碧之屬

多丹粟

凡西經之首自錢來之山至于騮山凡十九山二千九百五十七里華山冢也冢者神鬼之所舍也其祠之禮

太牢牛羊豕瑜山神也祠之用燭燭或作齋百日以

百犧牲純色者為犧瘞用百瑜音史瑜亦美玉名湯或作其酒百

樽温酒令熱嬰以百珪百璧嬰謂陳之以環祭也或曰

云穆天子傳曰黃金之嬰之屬也

其餘十七山之屬皆毛牲用一羊祠之牲謂牲體全具也左

傳曰牲牲肥脂者也燭者百草之未灰白蓆采等純之純綠也五

色純之等差其文彩也周禮莞席紛純

西方之山宜統於華山今日華禮大牢矣而又

曰瑜山神祠用燭又曰其餘十七山之屬用羊

是何山神之多也

西次二經之首曰鈐音髡鉗之鉗或作冷又作塗山其上多銅

其下多玉其木多杻榘

西二百里曰泰昌之山其陽多金其陰多鐵浴水

出焉東流注于河其中多藻玉玉有符彩者多白蛇水

又西一百七十里曰數歷之山其上多黃金其下

多銀其木多杻榘其鳥多鸚鵡楚水出焉而南流

注于渭其中多珠今蜀郡平澤出青珠尸子曰水負折者有珠

山藏玉川藏珠夫王石之精也珠蚌之產也類

也按尸子水之員折者有珠水之方折者有玉

則玉蘊石而山輝允矣

又西百五十里曰高山其上多銀其下多青碧碧亦

玉類也今越嶲晉稽縣東山出碧雄黃晉大興三年高平郡界有山崩其中出數千斤雄黃

其木多櫻其草多竹涇水出焉而東流注于渭今

水出安定朝那縣西井頭山至京兆高陵縣入渭也其中多磬石書曰泗濱浮磬是也

青碧

凡山氣粹而瑩者為玉其次為雄黃皆正陽健

氣也故玉屑雄黃皆可療疾

西南三百里曰女牀之山其陽多赤銅其陰多涅

石即楚石也楚人名為涅石秦名為石羽涅也本草經亦名曰石涅也其獸多虎豹

犀兕有鳥焉其狀如翟翟似雉而大長尾或作鸚鵡屬也而五彩

文名曰鸞鳥見則天下安寧舊說鸞鳥似雞瑞鳥也周成王時西戎獻之

鸞蓋鳳屬靈禽也夫女牀之出鸞丹穴之出鳳

其致一也然皆曰見則天下安寧則君子出而

文明斯世宜矣

又西二百里曰龍首之山其陽多黃金其陰多鐵
菖水出焉東南流注于涇水其中多美玉

又西二百里曰鹿臺之山今在郡其上多白玉其下

多銀其獸多牝牛羝羊白豪豪豕也有鳥焉其狀如

雄雞而人面名曰鳧僂其名自叫也見則有兵

西南二百里曰鳥危之山其陽多磬石其陰多檀

楮楮即穀木其中多女牀未詳鳥危之水出焉西流注于

赤水其中多丹粟

又西四百里曰小次之山其上多白玉其下多赤

銅有獸焉其狀如猿而白首亦足名曰朱厭見則

大兵一作見則有兵起

又西三百里曰大次之山其陽多璽音惡璽似其土色甚白

陰多碧其獸多牝牛麇羊

又西四百里曰薰吳之山無草木多金玉

女牀疑草石類若夫朱厭見則大兵是又靈之

先物

又西四百里曰岷音陽之山其木多稷柎豫章稷似

松有刺細理豫章大木似楸葉冬夏青生七年而後復可知也其獸多犀兕虎豹

之藥
反 牝牛

又西二百五十里曰衆獸之山其上多璆瑋之玉其下多檀楮多黃金其獸多犀兕

又西五百里曰皇人之山其上多金玉其下多青

雄黃即雌黃也或曰空青曾青之屬皇水出焉西流注于赤水其

中多丹粟

又西三百里曰中皇之山其上多黃金其下多蕙

棠蕙或作羔形棠之屬也

凡山之產剛而美則為金為玉次則為雄黃次

則為銅鐵柔而喬為檀楮大為蕙毛而走為

兕為虎豹牝牛品其物究其實皆世用也

又西三百五十里曰西皇之山其陽多金其陰多

鐵其獸多麋鹿牝牛麋大如小牛鹿屬也

又西三百五十里曰萊山其木多檀楮其鳥多羅

羅是食人羅羅之鳥所未詳也

凡草木鳥獸莫山川為多王者承天命而綱紀

萬物莫此為大昔舜咨四岳命虞人以掌山澤

蓋帝王贊化育之大端宜其不敢忽也

凡西次二經之首自鈴山至于萊山凡十七山四千一百四十里其十神者皆人面而馬身其七神皆人面牛身四足而一臂操杖以行是為飛獸之神其祠之毛用少牢羊猪為少牢也白菅為席其十輩神者其祠之毛一雄雞鈴而不糝鈴所用祭器名所未詳也或作思訓

祈不糝祠不以米

謂十神人面而馬身七神人面牛身不知見而知與聞而知與又曰操朴以行是為飛獸之神夫既曰行而又曰飛無亦不倫甚哉是故以異獸而為神吾固弗之信也况可祭邪

西次三經之首曰崇吾之山在河之南北望冢遂

山名南望音遙之澤西望帝之搏獸之丘搏或作薄東望

焉於然反淵有木焉員葉而白柎今江東人呼草木子房為柎音府一

日柎花下鄂音丈夫字或作柎音符赤華而黑理其實如枳食之宜

子孫有獸焉其狀如禺而文臂豹虎而善投名曰

舉父或作夸父有鳥焉其狀如鳧而一翼一目相得乃

飛名曰蠻蠻比翼鳥也色青赤不比不能飛爾雅作鸛鸛鳥也見則天下

大水

西北三百里曰長沙之山泚音紫水出焉北流注于

泐水鳥交反又音黝水色黑也無草木多青雄黃

又西北三百七十里曰不周之山此山形有缺不周匝處因名云

西北不周風自此山出北望諸毗之山臨彼嶽崇之山東望

泐澤河水所潛也其源渾渾泡泡袞咆二音河南出崑崙潛行地

下至葱嶺出于闐國復分流岐出合而東流注泐澤已復潛行南北于積石山而為中國河也名泐澤即蒲澤一名蒲昌海廣三四百里其水停冬夏

不增減去玉門關三百餘里即河之重源所謂潛行也渾渾泡泡

水潰湧之聲也爰有嘉果其實如桃其葉如棗黃

華而赤柎食之不勞

細玩此書不獨善紀而已如所謂渾渾泡泡其

實如桃黃華赤柎食之不勞皆紀事中寓韻讀

者乃或漫不之省吾恐昔人之苦心孤矣因發

此見例後倣此

又西北四百二十里曰峯音密山其上多丹木員葉

而赤莖黃華而赤實其味如飴食之不饑丹水出

焉西流注于稷澤后稷神所名云其中多白玉是有玉

膏其源沸沸湯湯沸音拂沸沸湯湯玉膏湧出之貌也河圖玉版曰少室山其上

有白玉膏一服即黃帝是食是饗鼎湖而龍蛻也

山矣亦此類也

是生玄玉言玉膏中又出黑玉也玉膏所出以灌丹木丹木

五歲五色乃清言光鮮也五味乃馨言滋香也黃帝乃取峯

山之玉榮謂玉華也離騷曰懷琬琰之華英又曰登崑崙兮食玉英汲冢書所謂苕華之

玉而投之鍾山之陽以為玉種瑾瑜之玉為良瑾瑜音覲史為

良言最善也或作食堅粟精密說玉理也禮記曰與密似粟粟或作栗玉有粟文所謂穀

璧也濁澤而有光濁謂潤厚五色發作言符彩互映色王

雞冠黃如蒸栗白如割肪以和柔剛言欲協九德也天地

鬼神是食是饗玉所以祈祭者言能動天地感鬼神君子服之以禦

不祥今徼外出金剛石石屬而似金有光彩可自以刻石外國人帶之云辟惡氣亦此類也

峯山至于鍾山四百六十里其間盡澤也是多奇

鳥怪獸奇魚皆異物焉

此一節盛言玉產之美並及其致用之妙其引

黃帝食玉之說未免荒唐謂其鳥獸魚奇怪斯

固理也

又西北四百二十里曰鍾山其子曰鼓此亦神名名之為鍾

山之子耳其類皆見歸藏啓筮其狀如人面而龍身啓筮曰麗山之

面馬身亦似此狀也是與欽鴟音邛殺葆江于崑崙之陽葆或

帝乃戮之鍾山之東曰嶠音遙崖欽鴟化為大鸚屬

也其狀如鷓而黑文白首赤喙而虎爪其音如晨

鵠晨鵠鶚屬猶云晨鳧耳說苑曰縹吠犬比奉晨鳧也見則有大兵鼓亦化

為鷓音俊鳥其狀如鷓赤足而直喙黃文而白首其

音如鷓見即其邑大旱穆天子傳云鍾山作春字音同耳穆王北升此山以

望四野曰鍾山是惟天下之高山也百獸之所聚飛鳥之栖也爰有赤豹白虎白鳥青鵠執犬羊食豕鹿穆王五日觀于鍾山乃為銘迹于縣圃之上以詒後世

鍾山初未詳何縣而曰見則其邑大旱似若難

考至謂鍾山有子曰鼓人面而龍身何無稽也

又曰鴟欽帝乃戮之化為大鵠然則鴟欽何物

其始何如而戮既戮又何如而化也郭氏號晉

之博物既不能一辯其謬而又引歸藏啓筮以

濟其誣謂之何哉

又西百八十里曰秦器之山觀水出焉西流注于

流沙是多文鯨音遙魚狀如鯉魚魚身而鳥翼蒼文

而白首赤喙常行西海遊于東海以夜飛其音如

鸞雞鸞雞鳥名未詳其味酸甘食之已狂見則天下大穰

豐穰收熟也韓子曰穰歲之秋

歲之豐凶亦天也魚鳥何與焉不然百穀之用

成是鸞雞之力邪

又西三百二十里曰槐江之山丘時之水出焉而

北流注于沕水其中多羸母即蝶螺也其上多青雄黃

多藏琅玕黃金玉琅玕石似珠者藏猶隱也其陽多丹粟其陰

多采黃金銀實惟帝之平圃即玄圃也穆天子傳曰乃為銘迹於玄圃

之上謂刊石紀功德如秦皇漢武之為者也神英招音韶司之司主也其狀

馬身而人面虎文而鳥翼狗于四海狗謂周行也其音

如橐音雷或作籀此所未詳也南望崑崙其光熊熊其氣魂魂

皆光氣炎盛西望大澤后稷所潛也后稷生而靈知及其終化

形邈此澤而為之神亦猶傳說騎箕尾也其中多玉其陰多檛木之有

若檛木大木也言其上復生若木大木之奇靈者為若見尸子國語白檛六不生花也北望

諸毗山名槐鬼離侖居之離侖神名鷹鸇之所宅也鸇亦

也莊周曰鴟鴞甘鼠穆天子傳云鍾山上有白鳥青鸞皆此族類也東望恒山四成

成亦重也爾雅云再成曰英也有窮鬼居之各在一搏搏猶脅也言羣鬼各

以類聚處山四脅有窮其物號耳搏一作搏爰有滛音遙水其清洛洛水

下之有天神焉其狀如牛而八足二首馬尾其音

如勃皇勃皇未詳見其邑有兵

既曰平圃英招司之而又謂其狗于四海無乃

叛官離次與又曰西望大澤后稷所潛尤為誕
妄夫后稷虞之賢佐周之始祖天之元氣其死
而復歸元化固也而謂其潛于大澤豈理也哉
至如諸毗之山既離侖之居似又不當言鷹鷄
之宅矣若夫天之神氣陽而數奇此曰其狀如
牛而八足二首偶數也陰之屬也曾謂天神而
有是哉吾意凡此皆魍魎類也奈何以是而褻
天平

西南四百里曰崑崙之丘是實惟帝之下都天帝都邑

之在下者也穆天子傳曰吉日辛酉天子升于崑崙之丘以觀黃帝之官而封豐隆之葬以詔後世言增封於崑崙山之上神陸吾司之即肩吾也莊周曰肩吾得之以處大山也其

神狀虎身而九尾人面而虎爪是神也司天之九

部及帝之囿時主九城之部界天有獸焉其狀如

羊而四角名曰土螻是食人有鳥焉其狀如蜂大

如鴛鴦名曰欽原欽或作爰或作至也蠹鳥獸則死蠹木則

枯有鳥焉其名曰鷦鳥是司帝之百服服器服也一曰服事

也或作戔有木焉其狀如棠棠梨也華黃赤實其味如李

而無核名曰沙棠可以禦水食之使人不溺言體浮輕

也沙棠為木不可得沉呂氏春秋曰果之美者沙棠之實銘曰安得沙棠刻以為舟汎彼滄海以遨

以遊有草焉名曰薺音頻草其狀如葵其味如葱食之

已勞呂氏春秋曰萊之美者崑崙之薺河水出焉出山東北隅而南流

東注于無達名山赤水出焉出山東南隅也而東南流注于

汜天之水汜浮劔反汜天子傳曰遂宿于崑崙之側赤水之陽

陽水北也洋水出焉出山西北隅或作清而西南流注于醜塗之

水醜塗亦山名也皆在南極穆天子傳曰黑水出焉

亦出西北隅也而西流于大杆音于山名也穆天子傳曰乃封長肱于黑水之西河

是惟崑崙鴻鷺之上以為周室主是多怪鳥獸謂有一獸九首有六首之屬也

此曰崑崙帝之下都則凡名山孰非帝之下都

也不然是帝之下都獨在崑崙天亦狹矣又曰

陸吾司天之九部吾不意造化之操縱卷舒不

主於帝而反權於陸吾也至若以鶉鳥為司帝

百服則其迂遠益甚帝之百服果何服與凡此

皆鄙淺無謂不俟辯而自明吾懼其惑世誣民

者久也因論及之

又西三百七十里曰樂遊之山桃水出焉西流注

于稷釋是多白玉其中多鯪音滑魚其狀如蛇而四

足是食魚

西水行四百里曰流沙二百里至于羸母之山神

長乘司之是天之九德也九德九氣所生其神狀如人而

豹之藥尾其上多玉其下多青石而無水

凡山川皆有靈氣靈氣即其神神即其主上即

其司也此曰神長乘司之然則長乘果何物與

其命名又出于何時及何典與若乃狀如人而

狗尾則異物也不經之談吾無暇多辯

又西三百五十里曰玉山是西王母所居也

此山多玉

石因以名云穆天子傳謂之羣玉之山見其山河無險四徹中繩先王之所謂策府寡草木無鳥獸穆王於是攻其玉右取玉石版三乘玉器服物載玉萬隻以歸雙玉為鼓半鼓為隻

其狀如人豹尾虎齒而善嘯蓬髮戴勝蓬頭亂髮勝玉勝也

是司天之厲及五殘主知災厲五刑殘殺之氣也穆天子傳曰吉日甲子天子

賓于西王母執玄圭白璧以見西王母獻錦組百

縷金王百斤西王母再拜受之乙丑天子觴西王

母于瑤池之上西王母為天子謠曰白雲在天山

陵自出道里悠遠山川間之將子無死尚復能來

天子畬之曰予還東土和里諸夏萬民均平吾顧見汝比及三年將復而野西王母又為天子吟曰

徂彼西土爰居其所虎豹為羣鳥鵲與處嘉命不遷我惟帝女彼何世民又將去于吹笙鼓簧中心

翱翔世民之子惟天之望天子遂驅升于奄山乃紀迹于奄山之石而樹之槐眉曰西王母之山奄

天業堂

山即崦嵫山也披竹書穆王五十七年西王母來見賓于昭宮舜時西王母遣使獻玉環見禮三朝

有獸焉其狀如犬而豹文其角如牛或作羊其名曰

狡其音如吠犬見則其國大穰晉太康七年邵陵扶夷縣檻得一獸

狀如豹文有二角無前兩脚時人謂之狡疑非此有鳥焉其狀如翟而赤

名曰胜音遇是食魚其音如錄未詳見則其國大水

吾聞古有王母益亦仙屬故世多繪圖以稱壽

未必其狀如人而又豹尾虎齒也果爾是異物

非王母矣郭氏不正其妄方引穆天子傳以誘

大其事而不自知其自相矛盾也如曰甲子天

子賓于西王母執玄圭白璧以見西王母再拜

受之乙丑天子觴西王母于瑤池之上信斯言

也則王母豈虎齒而豹尾者與

又西四百里曰軒轅之丘黃帝居此丘娶西陵氏女因號軒轅

丘無草木洵音詢水出焉南流注于黑水其中多丹

粟多青雄黃

又西三百里曰積石之山其下有石門河水冒以

西流冒猶覆也積石山今在金城河門關是山也

萬物無不有焉水經引山海經云積石山在鄧林山東河所入也

此所謂積石即夏書導河積石也但曰其上多草木鳥獸乃曰萬物無不有得無語滯矣乎

又西二百里曰長留之山有神白帝少昊居之少昊

金天氏帝其獸皆文尾其鳥皆文或作長首是

多文玉石實惟貞神魄音氏之宮是神也主司反

景日西入則景反東照主司察之

五方靈氣皆神如東方曰青帝南方曰赤帝及

此西方所謂白帝是也謂之帝言是方靈氣或

主生物或主長物或主殺物云耳非真有形象

如世之端冕凝旒者也由是觀之則少昊主金

氣蓋西方神也而獨以長留之山為居何哉易

曰神無方蓋言無定也

又西二百八十里曰章莪之山無草木多瑤碧碧亦

玉屬所為甚恠多有非常之物有獸焉其狀如赤豹五尾一

角其音如擊石其名如猙音靜京氏易義有鳥焉

其狀如鶴一足赤文青質而白喙名曰畢方其鳴

自叫也見則其邑有譌火

凡天地間氣類各有相感故即其出見其兆也

如畢方知火商羊知水是也

又西二百里曰陰山濁浴之水出焉而南流注于

蕃澤其中多文具

餘泉蜃之類也見爾雅

有獸焉其狀如狸

或作豹

而白首名曰天狗其音如榴榴

或作猫猫可以禦

凶

天狗可以禦凶言佩其毛或坐其皮術家謂枕

虎骨可以辟邪率若此理或爾也

又西二百里曰符惕

音陽

之山其上多櫻栴下多金

玉神江疑居之是山也多怪雨風雲之所出也

天降時雨山川出雲凡山川皆可以致風雲氣

純于天故也但所謂江疑居之是山多怪雨則

其妄可疑耳然曰風雲所出恐亦山川之常不

足怪也

又西二百二十里曰三危之山

今在燉煌郡尚書云竄三苗于三危

是三青鳥居之是山也廣負百里

三青鳥主為西王母取食者別

自棲息於此山也竹書曰穆王西征至于青鳥所解也

其上有獸焉其狀如

牛白身四角其毫如披蓑

音梭辟雨之衣也

其名曰微徊

音傲

是食人有鳥焉一首而三身其狀如鸚其名

何代之君也夫物既得靈氣以生彼其渾敦於外而有知於內固亦有之然於世無益吾是以終謂之怪也

又西二百九十里曰沕音黝黑山神蓐收居之亦

神也人面虎爪白尾執鉞見外傳云其上多嬰短之玉未詳其陽多瑾

瑜之玉其陰多青雄黃是山也西望日之所入其

氣負日形負故其氣象亦然也神紅光之所司也不聞其狀

夫玉亦多屬此謂嬰短瑾瑜固自弗誣至以日

之所入神紅光司之則妄矣夫日太陽也其出

也自出其入也自入蓋氣機自然之運神固自

在而又何暇他神以司之邪且西方之神始以

少昊居長留此又以蓐收為沕山之居是西方

金氣為二神矣

西水行百里至于翼望之山或作土翠山無草木多金

玉有獸焉其狀如狸一目而三尾名曰謹音歡或作原

其音如奪百聲言其能作百種物聲也或曰奪百物名亦所未詳是可以

禦凶服之已瘳音旦黃瘳病也有鳥焉其狀如鳥三首六

尾而善笑名曰鵠音荷服之使人不厭不厭夢也周書

曰服者不昧音莫禮反或曰昧昧目也

又可以禦凶

凡草木柔屬凡金玉剛屬凡山無草木而多金玉是為剛土之山若夫禽之笑聲相似耳

凡西次三經之首崇吾之山至于翼望之山凡二十三山六千七百四十四里其神狀皆羊身人面

其祠之禮用一吉玉瘞

玉加采色者也尸子曰吉玉大龜

糝用稷

米

羊身人面不曰異獸而曰神萬一傷人殘物尚當如周公驅猛獸可也而又何以祠為

西次四經之首曰陰山上多穀無石其草多茆蕃

茆蕙葵也蕃青蕃似莎而大

陰水出焉西流注于洛

北五十里曰勞山多茈草

一名茈萇中染紫也

弱水出焉而

西流注于洛

夏書弱水既西即此然考之其水不能負芥何哉盖以天地之氣東南而升西北而降故也夫

西北而降其氣沉也其氣沉水斯弱矣自然之

理也

西五十里曰罷父之山洱

音耳

水出焉而西流注于

洛其中多苾碧

北百七十里曰申山其上多穀柞其下多柎榿其陽多金玉區水出焉而東流注于河

北二百里曰鳥山其上多桑其下多楮其陰多鐵其陽多玉辱水出焉而東流注于河

又北百二十里曰上申之山上無草木而多磳音洛

石磳磊磳大石貌也下多榛楛榛子似栗而小味美楛木可以為箭詩云榛楛濟濟

其獸多白鹿其鳥多當扈其狀如雉以其髯飛鬣

下須也食之不的音眩目湯水出焉東流注于河

又北百八十里曰諸次之山諸次之水出焉而東

流注于河是山也多木無草鳥獸莫居是多衆蛇

又北百八十里曰號山其木多漆櫟漆樹似櫟也其草

多葍藟葍鳥較反白芷別名藟藟香草也芎窮一名江蘿多泠石泠或音今

未詳端水出焉而東流注于河

又北二百二十里曰孟山其陰多鐵其陽多銅其

獸多白狼白虎外傳曰周穆王伐大戎得四白狼白虎名魼魼其鳥多

白雉白翟或作白翠生水出焉而東流注于河

西二百五十里曰白於之山上多松栢下多櫟檀

樂卽

其獸多牝牛羴羊其鳥多鷄

鷄似鳩而青色

洛水出

于其陽而東流注于渭夾水出于其陰東流注于生水

西北三百里曰申首之山無草木冬夏有雷申水出于其上潜于其下是多白玉

夫雷二月而出八月而藏此曰冬夏有雷或卽山氣所為耳然冬何以雷夫冬雷氣失藏也非正也愚嘗謂陽氣升而有聲為雷及其藏而不泄為水此曰申水潜于其下則山之冬夏有雷不為怪矣

又西五十五里曰涇谷之山或無之涇水出焉或以

此為今涇水未詳

東南流注于渭是多白金白玉

又西百二十里曰剛山多柴木多璵璠之玉剛水

出焉北流注于渭是多神糗糗耻回反亦其狀人

面獸身一足一手其音如欽欽亦吟字假音

凡禽獸異常必卽禽獸之尋常者比之故謂之如欲人易曉也此曰一手一足曰其音如欽然則欽何物哉惟郭氏謂魑魅之類得之矣

又西二百里至剛山之尾洛水出焉而北流注于河其中多蠻蠻其狀鼠身而鼈首其音如吠犬

又西三百五十里曰英鞮之山上多漆木下多金玉鳥獸盡白澠水出焉

澠或作澠音冤枉之冤

而北注于陵

羊之澤是多冉遺之魚魚身蛇首六足其目如馬

耳食之使人不昧可以禦凶

西方金屬於氣為白此曰英鞮之山鳥獸盡白

似感金氣而純乎其純與然他山則又不然豈

其感之者有淺深故邪

又西二百里曰中曲之山其陽多玉其陰多雄黃

白玉及金有獸焉其狀如馬而白身黑尾一角虎

牙爪音如鼓音其名曰駮是食虎豹

爾雅說駮不道有角及虎

爪駮亦在畏狩畫中可以禦兵

養之辟兵刃也

有木焉其狀如棠而

負葉赤實實大如木瓜

木瓜如小瓜

名曰櫬音懷木食之

多力尸子曰木食之人多為仁者名為若木此之類

又西二百六十里曰邽音圭山其上有獸焉其狀如

牛蝟毛名曰窮奇音如犴狗

或云似虎蝟毛有翼銘曰窮奇之獸厥形

甚醜馳逐妖邪莫不奔走是以一名號曰神狗是食人濛水出焉南流注

于洋水其中多黃貝貝甲虫肉如科羸音螺魚魚身

而鳥翼音如鴛鴦見則其邑大水

又西二百二十里曰鳥鼠同穴之山今在隴西首陽縣西南山

有鳥鼠同穴鳥名曰鴝鼠名曰鼯鼯如人家鼠而短尾鴝似燕而黃色穿地入數尺鼠在內鳥在外

而共處孔氏尚書傳曰其為雌雄張氏地里記云不為牝牡也其上多白虎白玉

渭水出焉而東流注于河出山東至弘農華陰縣入河其中多

鱣音鱣魚其狀如鱣魚鱣魚大魚也口在頷下動則鱣有連甲也或作鮎鯉動則

其邑有大兵或脫無從動濫音濫水出于其西西流

注于漢水多鰲魮之魚如玳其狀如覆鈔鳥首而

魚翼魚尾音如磬石之聲是生珠玉亦珠母蚌類而能生出之

西北三百六十里曰崦嵫之山音奄茲日沒所入山也見離騷其

上多丹木其葉如穀其實大如瓜赤符而黑理食

之已瘳可以禦火其陽多龜其陰多玉茗或作水若

出焉而西流注于海禹大傳曰涓盤之水出崦嵫山其中多砥礪

磨石也精為砥礪為礪也有獸焉其狀馬身而鳥翼人面蛇尾

是好舉人喜抱人名曰執湖有鳥焉其狀如鴉而人

面雌身犬尾雌獼猴屬也音贈遺之遺一其名自

號也或作設設亦呼見則其邑大旱

耳疑此脫誤

言經山海經卷二 四十四
孰湖異物也見人而舉戲未至傷也少陵謂魑
魅喜人過此也異乎人類之相忌相害者矣

凡西次四經自陰山以下至于崦嵫之山凡十九
山三千六百八十里其祠祀禮皆用一白雞祈糈
以稻米白菅爲席

右西經之山凡七十七山一萬七千五百一十七
里十九山祀禮皆用白雞又曰白菅爲席從金
也然而祀典弗載吾恐其終非經也

山海經釋義卷之二

終

